De passione iliaca disputatio medica inauguralis ...

Author/first author: Schaffer, Friedrich Wilhelm; Universität Altdorf

Publisher: Typis Joh. Henrici Schönnerstaedt,

Reference number: b30764968

Persistent URL: https://wellcomelibrary.org/item/b30764968

Catalogue record: https://search.wellcomelibrary.org/iii/encore/record/C Rb3076496

This digital version has been supplied by the Wellcome Library under the following Conditions of Use:

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Library 183 Euston Road London NW1 2BE UK T +44 (0)20 7611 8722 E library@wellcome.ac.uk https://wellcomelibrary.org SUMMO ARCHIATRO PRÆSIDE

De

PASSIONE ILIACA

DISPUTATIO MEDICA

INAUGURALIS

2UAM

DECRETO ET AUTHORITATE GRATIOSISSIMÆ

FACULTATIS MEDICÆ

INCLUTA NORIBERGENSIUM ACADEMIA

ALTDORFINA

PRO

LICENTIA

UMMOS IN ARTE MEDICA HONORES

ET PRIVILEGIA DOCTORALIA

ritè & legitime impetrandi

Publico Eruditorum Examini

loco horis of confuetis

Fridericus Wilhelmus Schafferus, Einbeccâ-Brunsuicensis.

> Ad diem 8. Octobr. Anno Christi M.DC. LXXVII.

> > ALTDORFFI
> > Typis Joh. Henrici Schönnerstædt.

SERENISSIMO PRINCIP ACDOMINO, DOMINO CHRISTIANO ERNESTO. MARGGRAVIO BRAN DENBURGENSI, MAGDEBUR GENSIUM, PRUSSORUM, STETINENSIUM POMERANORUM, CASSUBIORUM ET VANDALORUM UT ET IN SILESIA CROSSENSIUM AC JÆGERNDORFEN SIUM DUCI, BURGGRAVIO NORIBERGENSIUM, PRINCIP HALBERSTADENSIUM, MINDENSIUM, ET CAMINENSIUM S. CÆSAREÆ MAIESTATIS EXERCITUS IN GERMANIA PRO-DUCI, SACRIQUE ROMANI IMPERII GENE-RALI VIGILIARUM PRÆFECTO, ET CHILI-ARCHO EQUITUM;

PRINCIPI AC DOMINO SUO CLEMENTISSIMO Specimen hoc Inaugurale In subjectissimi animi monumentum D. D. D. D

SERENISSIME SUE CELSITUDINIS - cliens humilimus
FRIDER. WILH. SCHAFFERUS.

₹95€(3.)₹95€



Zür Θεφ.

ratione for i postivel tan I il se Trine om is ver face station

Ffectus præternaturales, quibus partes corporis nostri alimentorum coctioni, chyli distributioni & fæcum exclusioni dicatas excruciari earumque actiones proprias la-befactari & everti contingit, quamplures sunt iique graves admodum & formidabiles, inter quos tamen primum facile sibi vendicare potest locum Affectus ille propter Paroxysmorum dolorum; Levitiam & propter admirandam illam ac perversam actionem præternaturalem, excrementorum scilicet per os rejectionem, stupendus & periculosissimus ILIAcus dictus, cujus naturam simul & curationem hac Disputatione Inaugurali, breviter saltem & summatim, cum accuratiorem & prolixiorem elaborationem penuria temporis aliaque sontica impedimentanon concesserint, investigare mecum constitui. Utautem Jehova hisce meis conatibus selices successus clementissime exalto concedat, devota menmodo fignificatione ulurpaffe, ità qua le ma ingillo rossrq st

II. In natura Iliaca passionis investiganda ante omnia consideranda veniunt (1.) Etymologia. Nominatur sine discrimine Affectus Iliacus & elasos Dieterich: Jatr: n. 240. vel à parte affecta intestino ileo; vel à symptomate, são sã elaso vertendo seu volvendo, quod in hoc malo intestina circumplicari vel obvolvi videantur, Gal. Lib. VI. de Loc. Aff. Cap. 2.

A 2

III. Un-

III. Unde (2.) quoad Synonymiam dicitur Volvulus vel potius cum Lindeno, Volvolus, Select. Med. Ex. IV. J. 5. Non quidem, quod intestina ità convolvantur & contorqueantur in nodum, ut proptered excrementis ad inferiora negetur descensus; quod teste Cl. Thom. Kerkringio Spicileg. Ana-10m. Obs. 42. Sylv. Prax. Med. Lib. I. Cap. 15. §. 21. & aliis, nulla ratione fieri posse vel tantillum in Anatomia versato statim apparebit: Întestina enim omnia mesenterio ità alligata & illigata contemplabitur, ut vel hoc rumpi, vel illa ab eo disrumpi debeant; sed quod flatus huic morbo proprii, cum nec per superiora nec inferiora exitum inveniant, in se per angustos intestinorum anfractus & valvulas conniventes (quales in jejuno & colo invenit & hoc nomine indigitavit laud. Kerkring. d. l. obs. 39.) vertantur & revolvantur. Alii Volvulum dici volunt, quod qui ex dolore nimio arcuati convolutique plicentur. Nonnulli Chordapsum vocant, quum scil. tumor aliquis eminet in tenuium intestinorum parte, ut videatur intestinum ad chordæ similitudinem convolutum. Gal. d. l. Vel quod Antiquiores Medici intestina chordas vocarint. Denique quoniam hoc morbi genus acutum tormentum est & proptereà divinà dignum commiseratione, inde sine dubio factum, ut quidam illud Miserere mei nuncupaverint.

IV. (3.) Homonymiam si consideramus, certò constat, antiquam Medicorum Scholam vocem diasis in latiori quodammodo significatione usurpasse, ità quidem, ut isto vocabulo quosvis omnium intestinorum dolores denotarent, que latior vocis significatio ad plura secula obtinuit, donec tandem nova nomina diversis assectibus pro diversitate intestinorum imposita suerint. Sic Colicus dolor, qui cum Iliaca passione sepè confundi solet, tantum dolorem intestini crassi seu Coli; Iliacus assectiva verò tenuis duntaxat inte-

ftini

stini Ilei scil. dolorem acutum denotat. In qua significatio.

ne & ego accipiens ad Definitionem ipsam progredior.

V. Passo Iliaca est dolor acerbissmus Intestini Ilei, cum motu ejus dem peristaltico vel impedito, vel perverso de depravato, constipatione alvi, tumore ventris chorda instar tensivo, alissa, pravioribus symptomatibus, tandem etiam aliquando merda excretione per os: proveniens ab instammatione, vel alia etiam solutione continui dicta partis vehementiori. Quam Definitionem non ita pridem mihialiisque meis commilitonibus suppeditavit in privato Collegio Practico VIR Nob. Excell. atg. Experientissmus Dn. Jacobus Pancratius Bruno, Phil. & Med. Detor ing, hac Facultate Institutionum & Praxeos Profesor Publicus longè celeberrimus & p. t. Decanus Spectatisimus, DN. Patronus & Promotor meus perpetuo cultu & filiali observantia atatem venerandus.

VI. Genus quidem in hâc positum est Dolor, ceu urgentissimum symptoma, quamvis in ipsâ pertractatione nec non in curatione potius respiciatur ad ipsum morbum, solutionem continui urgentem cum intemperie graviori conjunctam, quam dolor sequitur ceu individuus comes; Gal.

Art. Med. c. 30.

VII. Porrò cum à parte affectà & denominationis & cognitionis & curationis morbi non ultima ratio desumatur,
in aprico est, quanti referat, ut Subjectum alicujus affectus
probè cognitum habeatur: Idem in Iliaca passione observandum. Hippocrates quidem per locum dolentem intestina crassa indicare videtur, quod in Hypochondriis
dolor percipiatur, inde tamen non colligendum, ea semper & primariò hic affici, cum non crassa tantum, verum
etiam tenuia intestina hypochondria cumprimis dextrum
occupent. Imò cum intestina, assirmante Nebil. Excell. Es
Experientismo D. MAURICIO HOFFMANNO, Archia-

A 3

profesore primario lenge famigeratissimo, DN. Fautore & Promotore meo observandissimo in suis Institutionibus Anatom. nihil aliud sint, quam ventriculus prolongatus seu Corpus continuum, hinc uno eorum læso vel obstructo, ut sit in Ileo, reliqua omnia una cum ventriculo coassiciuntur.

VIII. Primarium itaque hujus Morbi Subjectum est intestinum Ileum tenue & inter tenuia ultimum, omnium longissimum, viginti unum palmas admodum æquans, in latitudine verò uni digito respondet, quapropter ceteris quoq;
angustius est, unde evenit, ut citius & promptius, simul
propter nimium venarum areriarum que concursum instammationi & obstructioni subjiciatur. Multis quoque
anfractibus ad longiorem cibi moram utilibus constat;
subter umbilicum ad Ilia & coxas utrinque situm est, tandemque in crassiintestini principio desinit; consentientibus tam antiquioribus, quam recentioribus Anatomicis celeberrimis.

IX. Cognito jam morbi Subjecto, statim progredior ad Causas. Cum autem circà uniuscujusque interni morbi generationem tres causarum Classes inquirendæ & considerandæsint; scil. Proxima, Antecedens & Externa sive Procatarctica, igitur ut ordine procedam, Causam Proximam statuo, quicquid solutionem continui ceu morbum, qui sub nomine symptomatico slei tacitè subintelligitur, inferre potest. Solvitur autem intestini continuum, dum vel distenditur, vel pungitur, vel gravatur, vel roditur, vel vellicatur.

X. Hujus Solutionis Continui Causa Proxima primario & potissimum quærenda & ponenda est in Contentis, imprimis sanguine & humoribus ei permixtis, biliosis, pituitosis, serosis, salinis, hoc est sanguineo latice secundum quantita-

为65年(7.)为65年

tem vel qualitatem ità peccante, ut prætern. collectus intrà intestini hujus, utpote plurimis vasis sanguineis dotati (supràth. 8.) tunicas inflammationem exulcerationemque aut aliam gravissimam solutionem continui urgentem cum motu intestinorum perverso conjunctam inducere valeat. De hac causa testantur plura Exempla apud Forest. Lib. XXI. Obs. 17. & 18. Sylv. Lib. V. Cap. 15. J. 17. ubi se intestini Ilei gangrænam in demortui ab Ileo extincti dissectione invenisse scripsit, manifesto indicio, primum in vivo adfuisse inflammationem erysipelaceam. Fabr. Hild. Cent. I. 06/.6. Ubi ex scirrho & gangræna Cœci intestini contracti & in Ileum sese infinuantis hoc inflammatum ob sanguinis scil. motum & recursum impeditum inventum est. Quod vero inflammatio unica & sola causa sit verè proprieque dicti Ilei, uti vult Lind. Exerc. IV. S. 17. segg. illud præfracte defendere non aufim.

XI. Hinc secundariò & rarius caussam proximam Ilei fieri quoque posse statuo vel massam illam chyloso excrementiciam ex assumtis alimentis variis vitiosis collectam & diversimodè corruptam in nimiam & prætern. aciditatem, vel acrimoniam partibus nervosis, quales & intestinorum tunicæ sunt, inimicam. Huc pertinet Obs. 16.6 19.d.l. apud Forest. & Zacut. Lib. z. Prax. Admirabil. Obs. 27. Vel Flatus, qui ex hujusmodi liquoribus partim ob assumptorum lentorem & vitiofitatem, partim ob caloris vitalis & fermenti chylificantis imbecillitatem impersecte coctis & crudis generantur, sicut elegantissime flatuum in intestinis generationem Spectatis. Dn. Decanus Dogm. Part. 11. Cap. 7. Dogm. 14. Et Linden. Ex. VI. J. 49. 50. exposuêre, quorum posterior etiam prolixius demonstrat, Ileum illum stranguriæ supervenientem, cujus meminit Hippocrat. 6. Aph. 44. generari à flatibus citrà inflammationem, præsertim his, quibus

bus spesest evadendi. Hanc causam quoque agnovit & observavit Sylv. d. l. s. 18 Frid. Dekers ad P. Barbette Prax. Med. l. 4. c. 7. lit. d. An verò non res quædam præternaturales v. g. vermes, præsertim teretes oblongi in intestino Ileo geniti & subsistentes aliquando morsu suo pungitivo maximèque dolorisico solutionem continui Iliacam gignere possint, licet verosimile valde videatur, certò determinare tamen nolo, cum nondum peculiarem de hoc casu obser-

vationem apud Practicos legerim.

XII. Causa Antecedens est partim dispositio vitiosa sanguinis in copià vel peccante Cacochymia præsertim biliosa & acri consistens, intemperiemque hujusmodi præternaturalem intestinis conferens, partim fermenti in ventriculo vitiositas assumpta alimenta non ritè chylificans; ut proptereà crudior chylus ad intestina delatus facile congeletur, lentore suo viscido subsistere cogatur & obstructionem pariat. Quæ ipsa quoque Obstructio ad causam antecedentem saltem pertinet, respectu solutionis continui, quæ demum à materia obstruente & subsistente dependet. Huc quoque merito refero Etatem & Dispositionem hareditariam, ceu attributa & conditiones humorum, spirituum & membrorum solidorum certas, quorum varietatem indicant, & proclivitatem aliquam adhunc vel illum morbum ostendunt, ità docente Spect. DN. Decano Dog. Gen. p. 210. segq. ità consuetum hunc affectum pueris, quos sæpe infestare solet, ex Areteo Lib. 11. de morb. Acut. Cap. 6. notavit B. Rolfink Lib. III. Meth. cogn. & curandimorb. partic. c. 14. & Linden d. 1. J. 27. quia scil. voraces sunt & multas cruditates colligunt obstructionibus ansam præbentes. Potest quoque huc referri conformatio valvula intestini Coli amplior vel strictior, quatenus sæpè promovere fæcum retentionem dixitidem Rolfink d. l. Obesitatem porrò, quam ad Ilei generationem lymsymbolam suam contulisse observavit Linden. d. l. §. 28. huc

pertinere, nullum est dubium.

XIII. Causa Remotiores ex sunt, que partim solutionem continui excitare, partim humorum illorum qualitate peccantium generationem cum per se, tum per accidens juvare & augere valent. Desumuntur autem vel à rebus Non Naturalibus, Praternaturalibus & Transnaturalibus, quas ultimas suo loco relinquo: ejusmodi enim Veneficia, Incantationes, Fascina aliique Diabolici insultus merè tales excedunt artis Medica limites juxtà Excell. DN. Decan. Degmata Part. II. Cap. 8. Dog. 12. Inter Res Non Naturales se (1.) offert Aër, ubi quidem plerumque flatulentus & frigidus huic malo generando vel per se, vel per accidens favere dicitur, dum vel cruditates & flatulentiam promovet in abdomine, vel obstruendo poros cutis sanguinem ad effervescentiam irritare potest. Huc pertinent Annitempora, ceu manifestamaeris mutationem inferentia Hipp. 3. Aph. 22. Autumno hunc affectum adjudicat; Aëtius verò magis Æstate, quam Vere oriri docuit. Quod si contagium quoddam pestilens in Aëre fuerit, Iliacam passionem excitare posse Epidemicam omnino verofimile est.

XIV. Quod (2.) Victus ratio vitiosa ad Iliacam passionem plurimum faciat, jam ex supra dictis th 12. satis constat. Inter Alimenta vero quædam sunt calida & sicca, salsa, aromatica, dulcia, pinguia, hæc ad instammationis generationem plus conferunt; quædam frigida, cruda, humida, lenta, terrestria, slatulenta, quæ ad obstructiones & congelationes magis faciunt. Huc pertinet Atramentum sepiæ, de quo prolixè & eruditè disseruit Linden. Select. Med. Ex. V. Imprimis largiorem nimis & inordinatam alimentorum ingestionem plurimum hic contribuere posse extrà dubium est. Videatur Frid. Dekernot. ad P. Barbett. Prax. d. l.

B

Doki

XV. De (3.) Motu & Quiete (4.) Somno & Vigiliu nihil dicam, licet nolim negare, has quoque res nonnaturales, quamvis non solas vel sanguinis & humorum effervescentiam aut acrimoniam promovendo, aut cruditatum proventum juvando huc aliquid facere. Alvum (5.) si justo tempore non deponatexcrementa, hujus affectus causam sieri procatarcticam, præter alia ille Sexagenarius ob inconsuetam fæcum retentionem Volvulo correptus satis consirmat, qui nullis juvantibus auxiliis 5. horis post vitam sinivit. De quâ historia, cujus & ego nuper mentionem seci in Exercit. de Consuetudine, legatur Zacut. Lusit. Prax. Admirabil. Lib. 111. Obs. 101. (6.) tandem Affectus animi vehementiores adhanc rem non parum conferunt, imprimis Ira, tanquam affectus mixtus, qui partim sanguinis & spirituum nimiam colliquationem, & sussionem, partim subitam stagnationem & congelationem causatur.

AVI. Quod denique Medicamenta sinistre usurpata, nes non Operationes Chirurgica hujus mali generationem promovere aliquando queant, assirmare non dubito: cum illis enim eodem modo comparatum est, quomodo cum alimentis vitiosis, qua itidem, dum nocent, vi medicamentosa incongrua nocent; qua de causa & Hipp. Alimenta vocare non dubitavit Medicamenta Tr. de Purgant. in Princ. De his quis dubitet, cum in propatulo sit, quod v. g. in repositione hernia intestinalis per fortiorem compressionem temerariam, aut convolutionem imprudentem facile ansa dari possitad inslammationem & gangranam illius par-

tis, quam sequi solet ileos.

XVII. Inter Causas Remotiores praternaturales sunt (1.)
Morbi, (2.) Venena. Ad Morbos pertinet si intestina partesq;
illis vicinæ, Peritonæum, Omentum, Mesenterium, Hepar &c. vulnere quodá insestantur & exinde Ileos sequitur.

Hoc

Hoc modo Aristippus in ventrem sagittà sauciatus accedente inflammatione lleo correptus est, ut scribit Hipp. Lib. 5. Epid. fere sub finem. Accidit insuper perfrequenter, ut rupto peritonæo intestina in inguina vel in scrotum labantur, quæ nisi in locum reponantur, fæces retinentur:hinc primo putredo post inflammatio exoritur, à qua dolores acerbissimi oriuntur & tandem, quod visu miserabile, excretio excrementorum per os sequitur Forest. d. l. 21. Obs. 20. Sylv. Prax. Med. Lib. 1. Cap. 15. J. 22. Idem quoque ex Hernia umbilicali contingere posse testantur Observationes apud eundem Forest. 21. & 22. d. l. Stranguriam hujus mali causam quoque testatur Hipp. VI. Aph. 44. Venena corporis nostro inimica quam facilime intestina erodere & inflammare possunt, imprimis autem calida & acria; cujus generis sunt Arsenicum Forest. d. l. Obs. 23. Aconitum, Hy-

drargyrum, Fungi deleterii &c. XVIII. Differentia Doloris Iliaci variæ existunt, tam ratione Subjecti, quam ratione causarum. Sic ratione Subjecti

alius est essentialis, qui immediate à caus a lleum intestinum afficiente provenit; alius per consensum; quando vel propter Cœci vel Coli morbum, vel propter herniam aut strangu-

riam præcedentem oritur. Quidam etiam Legitimus, ubi intestinum Ileum afficitur; Quidam Spurius, qui propter alterius intestini affectionem cum reliquis sympto-

matibus excitatur. Ita Linden. Volvulum alium Iliacum, alium Colicum vocavit d. l. Exercit. IV. J. 8. Ratione Cau-

sarum totuplex est, quot causæ. Sic Alius est à Rebus non naturalibus & Alius à Naturalibus Vid. Barbette & Dekers ad illum d.l. Ad Differentiam à caussis quoque pertinet, dum ali-

us acutus, qui gravissima conjuncta habet symptomata & celerrime properat, ob causæ, v.g. inflammationis, ulceris aut

gangrænæ &c. vehementiä; altus chronicus, ubi symptomata funt AND STATE OF THE STATE OF

sunt pauciora, ob causæ frigidioris conditionem mitio.

rem v. g. à fæcibus induratis, à flatibus.

XIX. Signa sunt duplicia, Diagnostica & Prognostica; & illa iterum alia Demonstrativa, quæ & Pathognomonica dicuntur, alia Communia & in specie Diagnostica. Quæ Iliacam passionem demonstrant, hinc inde à Practicis afferuntur quamplurima, quorum tamen potiora & scitu necessaria huc referre libet. Sic (1.) omnes Iliaci principio tarda solent esse alvo, deque ejus adstrictione eos semper conqueri audimus & ità quidem, ut magno quamvis conatu expellendi, parum tamen fæcum durarum plerumque excludant. Dein morbo vires acquirente alvus magis magisque constipatur & quidem in tantum, ut ne quidem flatui, ne dum fæcibus ibidem pateat exitus. Hoc brevisimis confirmat Galen. Comment. ad Hipp. VII. Aph. 10. inquiens: In Ileo mihil it deorsum, quod hujus affectus etiam proprium est inseparabile. Hippocrat. de Affect. in hæc verba prorumpit : Cum Volvulus aliquem corripuerit, venter durus redditur wihilg, infra dimittit.

XX. A tali verò alvi adstrictione facum slatuumque retentione (2.) mox slatus totam alvum perstrepentes sentiuntur, quibus cum exitus inferius sit denegatus & successu temporis magis magisque generentur, in intestinis magna turba slatuum coadcervatur, adeò ut nullus Iliacus, qui à slatu liber sit, inveniatur, teste Experientia. Murmura (3.) & Rugitus certissimi slatuum in corpore præsentium indices sese produnt. (4.) Dolorem valde peracutum & molestum in ventre insimo & magis regione superiorum intestinorum percipiunt, qui eosdem ita afficit & excruciat, ut ipsis plenus desperationis, quam frequentissime intoserabilis, evadat. Nonnulli enim, ut inquit Areta. Lib. II. de Curat. Acut. Cap. 6. desperata salute ægrotantes morte evidentem

tantum-

3939(13.)395E

tantummodo formidant, aliqui verò in Volvulo ob crucia-

tûs acerbitatem mortem expetunt.

cientibus valdè sunt obnoxii, qui quamvis frequenter ægrotis sint molesti, dolorem tamen vix leniunt, multò minùs tollunt. (6.) Ventriculi dolorem percipiunt. Præcipuè
verò os ventriculi eô, quoniam exquisito pollet sensu, assicitur. Et quandoquidé Ventriculus, ob regurgitationem vitiosorum humorum propter vias obstructas multis humoribus iisque maxima ex parte crudis abundare solet, igitur
hanc humiditatem è vestigio sequitur, vel cum ea conjun-

cta est (7.) Nausea cibique tædium.

XXII. Hisce supervenire solent (8.) Vomitus & quidem tales, qui non solum cibum & potum, humores ratione causarum diversissimos, pituitosos, ut notavit Forest. Lib XXI. Obs. 16. biliosos, dictus Aut. L.c.Obs. 18. pituitosos & biliosos invicem mixtos Obs. 21. rejiciunt; Verum etiam ipsum chylum & non raro excrementa, imò aliquando Clysteres vomitu ab Iliacis tedditos fuisse, refert Solenander Cons. 16. Sect. 5. nec non suppositoria, qualem casum valde mirabilem refert Sennert. Med. Pract. Lib. 3.P.3. s. 2. C. 1. Quibus gravioribus symptomatibus (9.) adhuc mali ominis symptoma Singultus supervenire solet. De quibus posterioribus duobus hoc notari meretur, testante Gal. Comment. ad Lib. VII. Aph. 10. quod non semper & in omnibus Iliacis talis vomitus & singultus observentur, sed tum demum, quando exitialis redditur.

XXIII. His annumerari possent adhuc plura symptomata Passionem Iliacam interdum concomitantia, v.g. Inquietudo, Vigilia nimia, Tusus, Difficilis respiratio, Angustia pracordiorum, Sitis, Febris, Animi deliquium &c. Verum cum partim non sint signa Pathognomonica, qua sapè sapius cum B. communibus confunduntur, partim ex relatione ægri & adstantium facile innotescant, præsertim signa causarum, adeò ut Medico haud difficilis labor in eorundem acquirenda cognitione sit, partim instituti mei ratio non permittat singula explicare, igitur hic agmen signorum Diagnosticorum concludo. Videantur plura apud Lind. d.l. S.

si. Segg. XXIV. Cæterum cum similitudines etiam eruditis Medicis nonnunquam imponere possint, igitur affectus, qui cognationem cum Ileo obtinent, signorum beneficio ità discernimus: Et Colicam quidem ab Iliaca passione, (1.) Ratione situs; sic intestinum Colon à dextro inguine incipiens assurgit circà os Ilion moxque slexu sub jecore facto ad inguen sinistrum pergit, ubi sigmoidea forma inversâ devolvitur ad os sacrum, sicque revolutum in rectum intestinum desinit., unde in abdominis ambitu & circumferentia modo designata exortus dolor verè Colicus dicendus. Cl. Sylv. Lib. I. Prax. Med. Cap. 14. J. 11. Ileon autem in hypochondrio sinistro emergens à centro Mesenterii magis magisque recedit eidem licet annexum, hinc inde in abdominis meditullio & umbilicali regione penè coactum ibidem Iliacos sustinet dolores Sylv. d. l. §. 12. (2.) Ratione Symptomatum: Sic si vomitus superveniat, in Colico multò mitior est, intentior autem in Volvulo; ille absque, hic cum excrementis; ille adhucaliquid per inferiora excernit; hic autem minime. A Nephritico distinguitur, quod dolor immanior magis anteriorem ventris regionem infestet, nullas in urina arenulas ostentet magisque alvum adstricam habeat.

XXV. Pergo ad Prognostica, quæ duplicia: alia Salutis, Mortis alia. Interim in genere notandum, omnem lleum legitimum acutissimum periculique plenum malum este COMMING

juxta

spes salutis affulgeat, ex sedula collationeroboris natura cum morbi vehementia sacta cognoscitur. Sic si vires nondum plane succumbant & symptomata morbi decursu imminuantur, non desperandum. Eò verò gravior & periculosior erit, quò majora ei conjuncta suerint symptomata. Rationem hujus Prognostici generalioris accuratam dedit suprà laudatus D. M. D. M. aur i c. Hoffmannus

Syn. Med. Disput. 13 th. 8. Segg.

XXVI. Ad falutem vergit hic Morbus (1.) quando caufæ inflammationis remediis cedunt, ventriculus Medicamenta & Alimenta admittit & retinet, atque hæc motu naturali ad intestina promoventur, sicque suum effectum
præstant, hoc est, alvum iterum solvunt & humores exturbant. (2.) Urinæ prossuvio solvitur & judicatur. Quibus
enim, ut inquit Hipp. VI. Aph. 44. exstrangurià volvulus succedit, intràdiem septimum moriuntur, si non successerit Februs, aut
urina copiosanon sluxerit. (3) Vermibus conglobatis, iis ablatis tollitur. (4.) Pueri ob sanguinis robur & vitalitatem
facilius evadunt. Senes difficillime, aut nunquam convalescunt. (5.) Quando à fæcum aut slatuum detentione
oritur, salutis spes major adhuc affulget.

XXVII. Ad mortem tendit hoc malum, (1.) Si secundum Avicenn 13. sen. 16. Tratt. 4. Cap. 29. ipsæ sæces evomantur, vel (2.) Si sudor emanet sætidus, Idem d. l. (3.) Si singultus, delirium & convulsiones sequantur, teste Hipp. VI I. Aph. 10. Ab Ileo vomitus, vel singultus, vel convulsio, vel delirium, malum. Simile judicium tum de vomitu, tum de surditate ægris accedente refert modò adductus Hipp. in Coac. Text. 470. Volvulosis vomitio & surditas malum. (4) Areta. Lib II. Acut. modum eventus his verbis docet: Multi quidem vitorminum repente intereunt; alis intestinum suppurat & putrescit, putresattum & nigrum ejicitur statimá, desiciunt.

XXIIX.

XXIIX. Proximum nuncerit, ut ad Curationem ipsam pro. gressium faciam. Omnis igitur Curatio suis indicationibus à remotione causarum desumptis nititur: Effectus enim non nisi sublatis causis tolli potest. Hæ ante omnia & quidem eo ordine, quo se invicem consequuntur, abigendæ, docente Spect. DN. Decan. in suis Dogmat. Part. IV. Cap. 3. Dogmat. 1. Quamvis vero secundum ordinariam medendi methodum eo ordine causæ removendæ sint, & symptomata, quatenus talia, per se nunquam aliquid indicent, ut habet modò laudatus Aut. d. l. Cap. 4. Dog. 2. sublatoque affectu seu morbo, à quo dependent, una cum eo tollantur; quatenus tamen ex accidente causæ rationem præ se ferunt, morbum augent, viresque plurimum prosternunt, sui ablationem vel ad minimum mitigationem postulant, uti docet Gal. Lib. XII. Meth. Med. Cap. 8. inquiens: Siex dolore vires resolvuntur atg, ex eo impendet, & mitigari dolor & roborari vires debebunt, quò & morbo resistere & curationis spatio sufficere valeant.

XXIX. Cùm autem in hoc morbo dolor intestini Ilei sit vehementissimus, ægrorumque vires non absque præsentissimo vitæ periculo prosternat, igitur curationem nostram, ne ægri desiciant, ab imminutione illius doloris inchoandam esse quivis facile videt. Hoc autem præstant Anodyna dicta Externa & Interna cum Emollientibus coincidentia, utpote in portionibus humidioribus & facile dissolubilibus consistentia; Inter Externa præsertim Balneum Aquulc. ex malvaceis dictis, & Cataplasmata aut Linimenta ex iisdem paratalaudantur passim à Practicis. Inter Interna verò ab omnibus commendatur Oleum Amygdalarum dulcium & juscula pinguia, quibus malvacea incocta suerint; Senn. d.l. & River. Lib. X. Prax. Med. Cap. 2. Quodsi adhibitis remediis spe nostrà frustremur, ad Narcotica sive

stupefacientia fugiendum, quæ quidem in dolore à causa calidâ tutiora, in frigidâ vero cautius adhibenda: Suntque Opium& ex hoc parata composita, Laudanum, Requies Nicolai, Philonium Romanum, Nepenthes, quæ variis modis in usum veniunt. In genere tamen probè notandum, quod sola Narcotica absque corrigentibus & corroborantibus non sint exhibenda.

XXX. Sedato vel saltem lenito dolore, indicationibus tribus est prospiciendum (1.) ut continuatio causa instantis & præsentis intemperatæ per denegatum sutura proventum prohibeatur per rerum, quibus carere comodé possumus, remotionem; quibus verò carere non possumus, mutationem vel correctionem; & tandem sedulam prospectionem, ne denuò redeant res plane fortuitæ. (2.) ut instans causa intemperata ab afficiendo inhibeatur per Evacuationem, Revulsionem, Attemperationem, Humectationem, Repulsionem, Interceptionem &c. (3.) Ut prasens & actu secundo afficiens causa intemperata cohibeatur, per easdem modo dictas, imò & per Topicorum applicationem.

XXXI. Materia remediorum ad has indicationes necessariorum desumuntur è rebus non naturalibus Mitioribus, Valentioribus & Validissimis, si ita mihi cum Excellent. Dn. D. Mau-RICIO HOFFMANNO ex sua Synopsi loqui liceat, sive ex triplici præsidiorum ossicina, quarum prima offert Diatams congruam & quidem talem rerum sex non naturalium necessariarum usum dextrum, qui illi, quem suprà inter cau-

sas procatarcticas reposui, abusui adversetur.

XXXII. Secunda præbet Medicamenta. Sunt autem vel Interna vel Externa; Ex quibus hæc interdum magis, quam illa, prosunt, præsertim cum viæ ita sint occlusæ, ut nec slatus, nec sæces exitum habeant, imò nec acerrimi Clysteres, nec per superiora assumptistimuli quicquam efficere vale-

C

ant. Si Iliacæ Passioni ab instammatione facti succurrendum, procedendum erit eâ methodo, quæ convenit in reliquis instammationibus, videlicet Evacuantibus & Alterantibus utendum. Cum verò Evacuantia fortiora minimè locum habere constet in instammationibus internis cum sebre acutâ conjunctis, præstat laxantia vel lenitiva aliquoties iterata sive per os, sive per injectionem ad intestinum rectum offerre. Ubi quidem Clysteres etiam paulo acriores, ut eò citiùs stimulent, applicare licet. Formula Enematis vel hæc vel similis esse poterit.

Rad. Altheæ, Zj. Fol. Malv. Violariæ Branc. Urs. aā mj. Fl. Nymph. Rosar. Chamomill äā p. j Sem. Cucurbit ziij Lini, Psyllii aā ziß Caricar. ping. No iij Prun. Damascen. No IV. Fol. Sen. Alex. Zß. Mechoacann. alb. ziß Coq. in Decoct. hord. simpl. q. s. Colaturæ expressæ tbj add. Elect. Diacathol. Zj Diaphænic. ziij Ol. Rosac. Violac. Anethin. aā zj F. Clyster.

dubitant, ut nimirum in primis viis hærentes humores maturè per illa evacuentur. Enimverò cum in hoc affectu lliaco Vomitus symptomaticus aliàs non sine vitæ periculo mox urgere soleat, mihi minus videtur consultum, offèrre Emetica, nisi fortassis abinitio, inque certis casibus, si v. g. vomitus non adsit, aut si certò constiterit, ob venenum assumptum, aut largiorem crudiorum alimentorum ingestionem & ità auctam aliam super aliam cruditatem lleum adesse, vel potius imminere, ubi quidem mitissima v. g. haustus aquæ tepidæ cum ol, violaceo offerri possunt, teste Riverio d.l. quamvis & Tartarum Mynsichti Emeticum ad duovel tria grana exhibere liceret.

XXXIV. In aliis Ilei speciebus Evacuantia per alvum concedi quidem possunt paulò fortiora, à Mercurio tamen, Diagrydio, Gommi gotte & aliis deleteriis, abstinendum esse censeo, cum vel vomitum moveant aliàs urgentem, vel inflammationem excitare valeant, vel nervosis partibus ob acrimoniam suam sint valde nociva. An & deglutiti globulorum plumbeorum inter evacuantia referri debet, quam Helmont, tr. de Flatib. n. 11. Zacut. L. 2. Prax. admirab. Obs. 27. ut & alii, ceu extremum & præstan-

præstantissimum remedium in lleo ab obstructione intestinorum commendant? Mihi videtur res adhuc valde suspecta & temeraria.

farum llei varianda sunt. Ubi inflammatio peccat, ibi refrigerantia, humestantia, emollientia in curatione aliarum quoque inflammationum commendata offerri & præscribi debent; Julapia,
Emulsiones, Fomenta, Cataplasmata, Inunctiones. Ubi verò
obstructio à materià crudà, viscidà, frigidà, lentà adest, ibi calidiora Attenuantia, Deobstruentia Interna & Externa ubique
apud Practicos obvia adhibenda. Ubi de veneno assumpto certò constiterit, ut & de contagio Epidemico, tunc Alexipharmacis
que que utendum, puta Diascordio, Theriacà, Mithridatio, Lap.
Bezoar, Spiritu & Sal. volatili C. C. aliisque Bezoarticis animalibus & mineralibus & c. Si ab Hernià obortus suerit Ileus, medicamenta ad curationem herniæ post repositionem intestinorum
in pristinum locum chirurgicam dirigenda, quam proponere
non est hujus loci.

Operationes Chirurgicas hoc in affectu necessarias. Inter quas primo loco se offert Venasectio, quæ si affectus ab inflammatione oriatur, maximè locum habet. Per hanc enim dum sanguinis quantitas imminuitur, alimento suo inflammatio privatur; Desinde sanguinis & humorum ad partem affectam delabentium sit revulsio & interceptio. Accedit & aliud commodum, quod nempe subtracto sanguine simul calor immoderatus & febrilis

contemperetur & imminuatur.

XXXVII. Quantum verò languinis detrahendum, docet quidem Aret. L. II de Curat. Acut. c. 5. Ita scribens: Si morbi causaminssammationem esse invenerit (Medicus), venamin cubito magna sectione aperiat, quò multus subitò sanguis instammationis alimentum velus q, ad animi deliquium essumin institum hoc vel sedandi doloris vel stuporis ac sensus privationis initium est. Verumenim verò licet magnum in lleo usum liberalior esfusio sanguinis habere videatur, non temerè tamen agris, imò vix sanis & robustis ad animi usque deliquium sanguis educendus: quippe si modum excedas, metus est, ne omnem calorem extinguas & agrum vita periculo exponas.

XXXVIII. Qua propter in omni sanguinis missione ad materiam peccantem & vires corporis respiciendum esse judico: sicuti enim illa justam quantitatem, an multum vel parum? an una vel pluribus vicibus? an cum impetu vel pedetentim sanguinis massa evacuanda sit, determinat: Ita Ætas, Animi & Corporis constitutio, Consuetudo &c. de viribus judicium præbent. Si vires itaque una sectione tantam sanguinis detractionem, quantam morbus indicat, non admittant, ea per impaou seu partitis vicibus, Tralliano L. 10. c. ult. DN. Decano in Notis: ad Jessen. p. 03.94 & 262. aliisq; suadentibus, tutius & commodius institui potest. Ægri enim hanc non solum sacisius ferunt, verum etiam humores mox assurui & jam instuxi à parte instammata magis revelluntur & derivantur.

XXXIX. Sin Vena secanda non suerit, vicarias habemus Hirudines, quæ venis sedalibus seu hæmorrhoidalibus appositæ,
non tantum revellunt, sed etiam ab ipså parte inslammatå egre,
giè educunt, imò sanguinem pituitosum & terrestrem, qui sæpè
causa est hujus mali evacuant. Nec non Cucurbitulas scarificatas in diversis corporis partibus & scapulis, dorso, lumbis & cruri-

bus applicandas.

XL. Possem hic quoque mentionem facere Follis fabrilis, quem ex Hipp, l. 3. de morbis Practici laudant in Ileo, à flatibus retentis exorto, nec non ab obstructione gravi & contumaci, teste River. d. l. Verumenimverò cùm ejusdem usus per frequentatam experientiam hodieque non sit confirmatus, aut licet esset, potius ad Colicam flatulentam pertineret, quò etiam Practici reserunt, neque etiam verosimile sit, ejus essectum ad Ileum intestinum pertingere posse absque periculo solutionis continui ob ansractus in Colo, & valvulam ejusdem, de qua expresse scriptit Barthol. Lib. 1. Anat. Cap. 10. Per rectum insusa aqua vel flatus in Ileon pertransire nequit, nisi violenter; quare plura de hoc verba non facio, simulque hanc de Ileo brevem & summariam pro temporis ratione Dispositionem concludo. Tibi, Trinune Deus, Archiater supreme Optime Maxime, sit Laus, Honor, Gloria & Gratiarum Actio in omne seculum!

FINIS.